
টপকোডার ইন্ট্রো

রেজিস্ট্রেশন

টপকোডারে রেজিস্ট্রেশন করার জন্য তোমাকে টপকোডারের ওয়েব পেইজে যেতে হবে। সেটার অ্যাডরেস হচ্ছে http://www.topcoder.com/tc



ডান কোণায় দেখো একটা রেজিস্টার করার লিংক আছে। ওখানে ক্লিক করলে রেজিস্টার করার পেইজ খুলবে।



বাকিগুলোতে টিক দেয়ার কোন দরকার নেই আপাতত। এরপর একটা বিশাল পৃষ্ঠা আসবে, সেখানে তোমার নাম ঠিকানা লিখতে হবে।

Name and Contact	
* First Name:	Given Name
* Last Name:	Surname
* Address 1:	
Address 2:	
Address 3:	
* City:	
State (US Only):	
Postal Code:	
Province:	
* Country:	<u> </u>
* 6	V

রেজিস্ট্রেশন শেষে টপকোডার তোমাকে তোমার মেইল অ্যাডরেসে একটা মেইল করবে, কনফার্ম করার জন্য যে ওটা আসলেই তোমার ইমেইল আইডি। ওখানে একটা লিংক থাকবে, সেটাতে ক্লিক করার সাথে সাথে তুমি একজন টপকোডার!

অ্যারেনা

অনেক অনেক বছর আগে যখন রোমান সাম্রাজ্য ছিল, তখন গ্ল্যাডিয়েটররা যে জায়গাটায় মারামারি করতো, সেটাকে বলা হতো অ্যারেনা। টপকোডারের সব কন্টেস্টগুলো অ্যারেন্জ করা হয় একটা জাভা অ্যাপ্লেটে, আর সেটাকে ডাকা হয় অ্যারেনা বলে, কারণ সেখানে সব কোডাররা প্রতিযোগীতা করতে আসে, রোমের গ্ল্যাডিয়েটরদের মতই।

অ্যারেনাতে ঢোকার জন্য, তোমার পিসিতে জাভা থাকতে হবে। জাভা ডাওনলোড করতে পারো এখান (http://www.java.com/en/download) থেকে।

জাভা ইন্সটল করার পর, অ্যারেনা খোলার জন্য তোমাকে টপকোডারের পেইজে যেতে হবে।



বামপাশে দেখো, একটা জায়গায় O(n) লেখা আছে। ওখানে ক্লিক করলে অ্যারেনা ডাওনলোড শুরু হবে। প্রথমবার রান করার সময় অনেক সময় লাগে জাভার, কেন জানি। একটু অপেক্ষা করতে হবে সেজন্য। যদি কোন ডায়ালগ বক্স আসে, এই অ্যাপলেটটাকে অ্যালাও করতে ভুলো না।



অ্যারেনা খুললে, তোমাকে সেখানে ইউজার নেইম আর পাসওয়ার্ড দিতে হবে অ্যারেনায় ঢোকার জন্য। তারপর go তে ক্লিক করলে তুমি অ্যারেনার ভিতরে ঢুকে যাবে।



এই জায়গাটার নাম হচ্ছে চ্যাটরুম। অ্যারেনাতে যদি তুমি কন্টেস্ট করতে চাও, অ্যাকটিভ কন্টেস্ট থেকে প্রথমে রেজিস্টার করতে হবে। তারপর এন্টার এ চাপলে তোমাকে কন্টেস্ট রুমে নিয়ে যাওয়া হবে। সাধারণত এন্টার বাটনটা কন্টেস্ট শুরু হওয়ার দুই মিনিট আগ থেকে কাজ করতে শুরু করে। আর ডিভিশন সামারিতে গেলে, তুমি বাকি সবার কার কি অবস্থা দেখতে পাবে।




আর অ্যারেনাতে প্র্যাকটিস করার জন্য তোমার প্র্যাকটিস রুমে যেতে হবে। সেখান থেকে যে কোন একটা কন্টেস্ট বেছে সেখানে ক্লিক করলেই তোমাকে সেই কন্টেস্টের প্র্যাকটিস রুমে নিয়ে যাওয়া হবে।




প্র্যাকটিস রুম

প্র্যাকটিস রুমের চেহারা হচ্ছে এরকম। TCHS এর ২০ নম্বর রুমটা খুলে ফেলো!



যেখানে Select one লেখা আছে, সেখানে ক্লিক করলে প্রবলেম খুলবে। সেখানে তিনটা প্রবলেম থাকে, প্রতি কন্টেস্টে, সাধারণত সবচে' সোজাটার জন্য ২৫০ পয়েন্ট, তারপরেরটার জন্য ৫০০ পয়েন্ট, তারপরে সবচে' কঠিনটার জন্য ১০০০ পয়েন্ট।



এটা হচ্ছে এই রুমের ২৫০ পয়েন্টার।

এখানকার প্রবলেমটা হচ্ছে, তোমাকে কিছু নাম দেয়া হবে, যেই নামটার ক্যারেকটারগুলোর আসকি ভ্যালুর যোগফল সবচে' বড় সেই নামটার ইনডেক্স রিটার্ণ করতে হবে। টপকোডারের একটা মজা হচ্ছে, এখানে তোমাকে ইনপুট নিয়ে সেটা কোন অ্যারেতে ভরতে হবে না। অ্যারেতে করে তোমাকে ইনপুট দিয়ে দেয়া হবে। তুমি যদি STL না পারো, এই টিউটোরিয়ালটায় উঁকি মারতে পারো।

```
Class: Surname
Method: bestSurname
Parameters: vector <string>
Returns: int
Method signature: int bestSurname(vector <string> surnames)
(be sure your method is public)
```

যেমন এই প্রবলেমটায় তোমাকে একটা ক্লাস লিখতে হবে যার নাম হবে Surname আর সেখানে একটা ফাংশন লিখতে হবে যেটার নাম bestSurname আর সেটার প্যারামিটার আর রিটার্ন টাইপ দেয়া আছে।

নিচের অংশটা হচ্ছে কোড লেখার জায়গা।


```
Coding Area
#include <vector>
#include <string>
using namespace std;
struct Surname {
    int bestSurname( vector<string> s ) {
        int sum[50], ret = 0;
        for(int i=0; i < s.size(); i++) {</pre>
            sum[i] = 0;
            for(int j=0; j< s[i].size(); j++) sum[i] += s[i][j];</pre>
            if( sum[i] > sum[ret] ) ret = i;
        return ret;
   FIND
           <u>G</u>o To...
                     UNDO REDO
                                                                         Line: 10
MESSAGES
                               SAVE
                                         CLEAR
                                                   COMPILE
                                                               TEST
                                                                           SUBMIT
```

কোডটা লেখার পর , তুমি কম্পাইলে চাপলে কোডটা কম্পাইল হবে। তারপর তুমি স্যাম্পল মেলাতে পারো টেস্ট এর মেনুথেকে। যদি সব স্যাম্পল মিলে, তুমি সাবমিটে চাপলে কোডটা সাবমিট হবে। তখন তোমাকে পয়েন্ট দেখাবে, তুমি যত দ্রুত প্রবলেমটা সলভ করবে তত বেশি পয়েন্ট পাবে। তবে তোমার সলুশন যদি ভুল হয়, তখন তুমি একটা শূণ্য পাবে।

প্র্যাকটিস রুমে সিস্টেম টেস্ট রান করার জন্য প্র্যান্টিস অপশন থেকে রান সিস্টেম টেস্ট এ চাপতে হবে।



যদি সলুশন ঠিক থাকে, তাহলে সবুজ অক্ষরে এরকম একটা উইন্ডো আসবে।



তুমি যদি কোন টেস্টকেস দেখতে যাও, ওই টেস্টকেসের উপর ডাবল ক্লিক করো।


প্লাগ ইন

<u>এই লিংকে</u> উঁকি মারো।

আর বাকি যা কিছু

টপকোডারের একটা বিশাল টিউটোরিয়াল কালেকশন আছে। তুমি সেটায় ঢুঁ মারতে পারো মেইন পেজের এখান থেকে -





আর এখান থেকে ম্যাচ আরকাইভ কিংবা প্রবলেম আরকাইভ অ্যাকসেস করা যায়। কোন একটা ম্যাচ ওভারভিউ থেকে যদি তুমি কারো কোড পড়তে চাও, তোমার গোল [o] এরকম সাইনটাতে ক্লিক করতে হবে।

Division I Leaders	Score	Placed
(*) Petr	1310.81	1
(*) Blue.Mary	1282.94	2
(*) Vasyl(alphacom)	1254.5	3
(*) Myth5	1252.69	4
(*) Rizvanov_de_xXx	1238.95	5

আর তুমি যদি প্রথম শখানেক মানুষের কোড দেখতে চাও, এইখানে পাঁচ এর বদলে অন্য কিছু দিয়ে দাও।



শুভ কামনা!